



Limpeza simultánea de praias. Día Mundial dos Océanos. Dende as 9 da mañá as limpezas fóronse desenvolvendo por todo o litoral galego. Houbo centros de ensino, escolas de surf, ONG ecoloxistas, asociacións culturais, asociacións de mulleres rurais e até mergulladores. Todas e todos tiñan a mesmo fin: limpar a praia e crear conciencia. Foron milleiros de kilos os que se retiraron das praias a maioría de orixe plástica. Cordas de todo tipo, aparellos de pesca, caixas, botellas, tapóns, e outros tantos restos que rematan cada día no mar.

Alén da limpeza nalgúns lugares a xornada tamén serviu para dar a coñecer a importancia e biodiversidade dos areais e dos ecosistemas dunares; fixéronse tarefas de identificación dun pequeno golfinho riscado (

Stenella coeruleoalba

), aparecido na praia de Queiruga, e localizáronse niños de pillara das dunas (

Charadrius alexandrinus

) que se sinalaron para evitar o seu pisoteo, observándose tamén os adultos desta pequena, bulideira e ameazada ave. A todos/as, moitas grazas polo voso compromiso co ambiente!

[Podes ver as fotos enviadas polos participantes](#) e o [mapa das limpezas](#)

O plástico nos océanos afecta á flora e fauna mariña, nomeadamente para algunhas especies ameazadas como cetáceos, tartarugas ou aves mariñas, xa que inxiren plásticos confundíndoos con alimento. Tamén poden acabar enredados en bolsas, sacos ou redes que lles provocan graves lesións, dificultades para moverse e, finalmente, poden causar a súa morte. Outro dos problemas é que o plástico acaba desfacéndose en pequenos anacos que son inxeridos por peixes que poden rematar nos nosos pratos. Isto fai que os compoñentes tóxicos e perigosos dos plásticos pasen aos seres humanos, afectando directamente á nosa saúde.

Moito do plástico que se atopa nas praias e nos océanos do mundo chega alí despois de ser usado por calquera de nós. É por iso que debemos reducir o noso consumo de plástico para evitar que de un xeito ou outro remate nos océanos. Moitos dos envases que utilizamos cada día son innecesarios e prescindibles. É posible mercar os nosos produtos a granel, escoller os recipientes de vidro e retornables, rexeitar as bandexas de poliestileno, etc. pequenos xestos que axudan a que o noso planeta non sufra tanto.

ADEGA quere subliñar que as limpezas de praias no día dos océanos non debe ser un feito aillado, e convida a calquera persoa a recoller o lixo do noso litoral sempre que poida. A limpeza de praias debe facerse de xeito manual, respectando os ecosistemas dunares, e tendo especial coidado coa fauna e flora que nelas habita. Deste xeito poderemos reflexionar sobre a orixe dos nosos residuos e evitar que rematen nos estómagos de animais.

ADEGA editou para esta actividade un [protocolo de actuación](#) para unha limpeza de praias “ecolóxica” descargable en pdf ou que se pode recoller en papel no local nacional.

Concello

Praia

Colectivo

Nº de voluntarios

Kg retirados

A Coruña

Praia Canide

OMA-UDC

12

250

Arteixo

Praia de Alba

Asoc. Cult. Monte da Estrela e ADEGA Coruña

14

100

Barreiros

Praia Area Longa

ADEGA Mariña

Colabora: Colectivo Cultural Ollomao

9

400

Burela

O Perdouro

Colectivo Cultural Buril

3

200

Burela

O Perdouro

IES Perdouro

50

-

Camelle

Praia de Camelle

CEIP de camelle

30

300

Carnota

Praia de Corna Becerra

Raíña Lupa

Plataforma pola defensa do Patrimonio de Quilmas

ADEGA Costa da Morte

7

200

Ferrol

Caranza

ADEGA Ferrolterra

25

100

Fisterra

Langosteira

IES Fin do Camiño

43

150

Foz

Praia os Alemáns

Mariña Patrimonio, Pomba do Arco, Karrikanta e Sensación Surf Escola.

12

200

Muxía

Praia dos Muíños

CEIP Os Muíños

Adiada

(50)

Muxía

Praia O Lago

Programa de voluntariado do concello de Muxía

10

Nigrán

Praia América

CEMMA

38

200

Nigrán

Praia de Patos

Prado Surf Escola

32

60

Ortigueira

Praia S. Antón de Espasante

Asoc. cultural Bangalúas

25

Poio

Praia de Lourido

ADEGA Pontevedra

20

80

Porto do Son

Praia de Queiruga

ADEGA Nacional

10

200

Porto do son

Praia dos Castros

-

6

Ribadeo

Areal de Rinlo

Asociación Rinlo Bai

5

200

San Xenxo

Area de Agra

C.E.I.P. Magaláns-Dorrón

60

100

Valdoviño

Praia de Pantín

Pantín Surf Camp

12

Vigo

Marina Dávila

Buceo Balea

8

60

Vilanova de Arousa

O Terrón

IES A Basella

150

390

Viveiro

Praia de covas

Espazo Agroecolóxico A Estruga

Asoc. Mulleres Rurais “Fraga das Saímas”

I.E.S M^a Sarmiento

I.E.S Vilar Ponte

100

150

Laxe

Praia de Traba

IES Maximino Romero de Lema

24

150

TOTAL

705

3490

